

Nlir nnap-nlà AYahuda

¹ Nlir va ta fa ka atak aYahuda na a ga atak onəm owórwór va Inan uPon man. Ma ka nkpan oza kakul aYesu keristi. Mmami uYahuda va uzwal aYesu keristi kang ugənang aYakubu kpa a.

² Re nrwa igwak Inan, ka nra igwak, ka mman a tēm nzəng ka wo pa makmak.

Ipir nlir

³ Onəm mi omanman, ka n dom byet pa ka n lir awo ka apal ishi nnap nya iriri Inan iga mbyet mbyet va gwang yi pa kpaktak. Kang a nəm ka mi lap kat. Kakul n ya ma pa n chāl wo ka mbaŋ gwak pa o lung kakul nnap nna nnandər va ma nak ndədək chit ka ashe awo onəm Inan. Iyam ro ya dat lap kat.

⁴ Kakul onəm ro va ma sok oza chit matmat ka akwali aga ikú wa nva ma lir ka ashe nnap-nlà Inan te, onəm va ta mwom chit tan ka ashe wo. Oza onəm va nyi Inan kat. Oza nak nnyi nnap Inan sat amwang na oza a ya asal aga nnəm mmai. Oza yang ka uYesu Keristi va uwa byet uPonzhi yi, uwa kpa unəm uga nnəm ka yi a.

Nnyam ntan onəm oga ndyang oga akwam

⁵ N dom pa n rəng awo wa nva o nyinyi, iyam ro ya bur kat. Inan fa ka onəm wò ka ashe mbin aMasar. Ka nna kpa te, uza zhi oro ka ashe oza

ka nvəvang. Uza zhi onəm va na nnandər ka na kat a.

⁶ Re o rəng nnap omaleka va kpa. O rəng nnap oro ka ashe oza va bak ichumchum va oza ka a. Oza re atak nsat oza. Inan ran oza chit ka nzwār nak ka ashe afap akpārkpār aga mbyet mbyet kakul ilum ichumchum iga nnap-akwali.

⁷ wantana kpa onəm oga aSodom ka aGomorata ká itong va gang oza ka nəm ka atak nna nkpaktak ishi oza ka nvyap ovanchar, ká adom aga izər. Oza kam amumwa chit ka atak mbək anung ka ashe apər va i kú kat mbyet mbyet, na a tal iyam iga ndyang nnap nkpaktak onəm.

Inga onəm oga ndyang akwam

⁸ wantana kpa pa dakdak ya onəm oga nlár izwam va ta. Onəm va mwom chən tan ka ashe wo. Oza i bak nkpaktak iponzhi kan i vyap adin *onəm oga apabur.

⁹ UMakailu uPonzhi omaleka ká ishi wò nva uza ka dáp izər ká uShetan ka apal ishi akúm aMusa te, uza ghan ka nla nnap-nlà ro ngga nvyap adidin kat. Iyam va uza là á na te, nna pa, <<Re Inan a nyi ka bu.>>

¹⁰ Ka nna kpa te, onəm va ta i pwat nkpaktak iyam va oza kpán ipipir kat a. Iyam va oza kpán ipipir kat ka atak nnap nnəm oza ngga izər wa izhé va yà ka nnap nnəm kat te, nna i zhi oza.

¹¹ Iyam iga ngga ador kakul oza. Kakul oza yar nnap nnəm aKayinu. Kakul adom te, oza ka nnəm iyam ina va uBalam ka nəm a. Wa nja aKora na kpa ma zhi oza kakul nfa iyamkak va uza fa a.

¹² Onəm va tə sat wa adak ka ashe mbut wo ngga nri iyam-nri iga ntəm ngga mman. Oza i ri iyam-nri iwuswa ya ka kat, ayər ya ka kat kpa. Nnakshi ka afu oza na chwat oza nyi. Oza wa ilulu ivar va ayər i lyanshin i pəng ivar kat a. Oza wa ikún va ya ka awar kat. Ma zəp oza chit fa ka ashe mbin, oza kú chit ká inang oza.

¹³ Oza wà igum ndəng iwa ngga nnəm ikum pa makmak. Iyam iga iwuswa va oza ka nənəm te, wa nfufú ngga apal iwa. Oza wa izhán iga nranggang pa. Kakul oza na ma damshi atak chit ka ashe afap akpárkpàr aga mbyet mbyet.

¹⁴ Matmat te, uAnuhu va nlwàk ngga nfangshat ka nvan Adamu, ka là nnap iyam va i ga nfa ka apal ishi onəm va tə pa, <<Ó dər, uPo yi Inan ka nvang nzəng ka onəm wò onənan iyəl ikalong ka apal asəm ikalong,

¹⁵ na o nap akwali nkpaktak onəm va nyi Inan kat, ka apal ishi nkpaktak inok oza iga nnyi Inan kat, nva oza nəm ka asal aga nnyi Inan kat, kan ka apal ishi nkpaktak nnap-nlà mbángbang onəm oga nnap-mbángbang va nyi Inan kat, nva oza là ka apal ishi Inan a.>>

¹⁶ Onəm va tə onəm oga nnap irishi, onəm oga mmak nram mpat oro. Oza i nəm nkpaktak iyam va izər dom a. Oza i nap atam awon, i rup ká ishi. Oza i dək onəm na o ya iyam ka atak oza.

Awon ka awór pa ma kar igwak

¹⁷ Ónəm mi omanman, re o rəng iyam va onəm oga nre aPonzhi yi uYesu Kəristi ka là matmat na byet a.

¹⁸ Oza_ là awo pa, <<Ka_ ashe nrá ngga nkùr te, onəm oga nnap avyal oma i fa. Oza_ i nəm nkpaktak iyam va izər oza_ dom iga nnyi Inan kat a.>>

¹⁹ Oma i nak onəm i kap izər. Oza_ nyi nkpak nnap nnəm ngga izər na chwat. Oza_ yà ka_ aRuhu Inan kat.

²⁰ Ónəm mi omanman, mmawó jiwo te, re o me owan wo na o rup o kam ka_ ashe nna nnandər va byen ji pa_ kpaktak, nzəng ka_ nnəm aduwa ka_ ashe ichumchum aRuhu-Nənan.

²¹ O təm ka_ ashe mman va Inan ka_ nnyinyam á yi, nva_ mmawó ka_ nlok nnyam nrwa igwak aPonzhi yi uYesu Kəristi pa_ uza_ a ga ká_ wo ka_ ashe irirì iga mbyet mbyet a.

²² O nyám nrwa igwak onəm oga nkam nnap ká_ igwak pa_ iparpar.

²³ Oro te, o kam ishi oza, o dapchi oza_ a fa ka_ ashe apər. Oro nnyi te, o nyám nrwa igwak ôza_ nzəng ká_ ayər. O jan oza_ ká_ ilukwán oza_ kpa iga adak kakul nnap-nnəm oza_ mbángbang a.

Nshep Inan

²⁴ Adəngchi təm iji anəm va_ chit uwà ká_ ichumchum pa_ o kpán wo le kang o ru kat a. Uza_ i nak wo o ya ka_ adak kat, te uza_ i yichi wo ka_ mpyal Inan va byen pa_ gənggəng ka_ ashe nchang igwak mmakmak.

²⁵ Adəngchi kakul Inan va uwa byet pa_ uzəng a. Uwa unəm uga nna irirì iga mbyet mbyet ayi. Re ichumchum, ká_ ngək va ji pa_ kpaktak, ká_ nggar ngga ichumchum, ká_ iponzhi ka_ atak aPonzhi yi uYesu Kəristi a təm ijini, a ban ká_ mban apambin

matmat, kang ñyangmatà, a ga a chu nra ngga
m̃ba, kang m̃byet m̃byet. Nna a t̃əm.

Tarok Bible

The Holy Bible in the Tarok language of Nigeria

copyright © 2024 Luke Initiative for Scripture Translation

Language: (Tarok)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-10

PDF generated using Haiola and XeLaTeX on 10 Jul 2025 from source files dated 10 Jul 2025

501af3c5-12fd-5965-ade7-9600b2d02717